

SEDECIAS

MELODRAMA

FRANCISCI LAVRENTINI

Canendum

IN SACELLO ARCHICONFRATERNITATIS

SANCTISSIMI

CRUCIFIXI

Musici modulis adaptatum

A D. IOANNE BAPTISTA BORRI

BONONIENSI

Musicæ Magistro.



ROMÆ, Typis Io: Francisci Buagni. MDCCIV.

Superiorum Facultate.

2 A R G O M E N T O.

Sedecia Rè di Gerosolima rinunziando all' amicizia di Nabucco Rè di Babilonia, ch' era il sostegno del suo Trono, per aderire al Rè d' Egitto, irritò lo sdegno di quello, che per vendicarsi dell' affronto, circondò con un potente esercito Gerosolima, & auendola dopo due anni superata, la saccheggiò. Fuggì Sedecia per euitare il furore del trionfante, conducendo seco la Consorte, & i Figliuoli, mà l'accortezza del Vincitore rese vane le speranze del vinto, e fattolo prigioniero dopo auerli fatto uccidere in sua presenza la Moglie, & i Figliuoli, gli fece cauare gl'occhi, conducendola così cieco presso il Carro del suo Trionfo.

A C T O R E S.

SEDECIAS Rex Hierusalem.

ANNA Vxor.

ISMAEL Filius.

NABVCCVS Rex Babylonis.

DVX.

CHORVS Militum.

PARS PRIMA.³

Nab.



PARS PRIMA, Clypei, & Vexilla,
Hostis spolia deuicti,
Steruant pedibus meis iter decorum,
Et murmur Lituorum
Me nunciet Mundo trepidanti; eâdem

Dextrâ Lauris ornata

Tela stringere, & Fata.

Ossa super, urnasque regales,

Et Pyras fatales

Ducam currus Trophæa referentes.

Saturata Regnantis cruore

Horrendo fulgore,

Clamys ista terrebit Potentes. Ossa &c.

Huius Victoria pugnae,

Quod mihi dulcius est, nulli Deorum

Debet animus meus,

Ipse mihi Fortuna, ipse sum Deus.

Chor.

Surgite ad murmura,

Tympana, & Classica,

Tubæ sonantes.

Et Martis clangores,

Accendant furores

Pugnando lætantes.

Surgite &c.

Dux. Veni ter felix, veni,

Regum domitor fortis,

Grauis Arbiter vitæ, Arbiter mortis:

Sint diēs Imperij tui semper sereni.

Seruiat subdita tibi

Domus vtraque Solis;

Seruiant niues Arctoæ; nisi rogatus

Serò deferens nos, regas Olympum,

Et cum preces Atlantem

Cernes inferius stare ipsum Tonantem.

Volans Auis Armigera Irarum ,
 Ministra flammarum ,
 Negans Ioui , fert tibi furores .
 Cupit imber ad Iussa venire ,
 Impatiens ferire ,
 Sine nube iam torquet ardores .

Vol.&c.

Ann. Adhuc Sponse , moraris ?

Ism. Illum nuper reliquimus , & quæris ?

An. Tu sic Tu sic Fateris ;

Nescis enim momenta , ô fili care ,

Vt numerant amantes numerare :

Alas certè perdidistis

Olim rapida momenta .

Semper lenta

Sic fuistis ,

Cum vidistis

Mea tormenta .

Alas &c.

Vt bella declinemus ,

Huc nos permittis , coniux : noluisti

Sub eâdem fortunâ me videre ,

Sub quâ vides diadema .

Hora lethi suprema

Sic me nequit terrere ,

Vt carius mihi sit , quam mori tecum ,

Tibi supervixisse . *Ism.* Ah Mater ploras ?

Etiâ ego dolebo .

Ann. Dum coniux necit moras ,

Semper misera flebo .

Suspiria volate ,

Volate ad Amorem ,

Narrate dolorem

Quem patior amando .

Suspiria redite

Redite ad amantem ,

Me reddet lætantem ,

Heu dicite quando ?

Suspiria &c.

Ma-

Ism. Mater, regia indumenta
 Me quibus exuisti,
 Redde Soboli tuæ, sic promissisti.

Ann. Ferus ensis hostilis
 Quærit perdere nos; coronâ orbatum
 Pudet fortunæ meæ caput præbere;
 Sed tandem vincat fatum:
 Tu quoque exemplo Matris,
 Hæc discas sustinere;
 Velat en pectus meum rustica Vestis,
 Sortis inuidæ testis.

Ism. Quis nam es tam Crudelis, & tam fortis,
 Qui poteris in foeminam pugnare,
 Et in puerum bellare?

Non sic ero semper puer,
 Ego quoque arma mouebo,
 Et vlciscar Genitricem.
 Nec me lædere præsumes,
 Ensem quando sustinebo
 Vires habens. . . me infelicem!

Mater, regia indumenta,
 Me quibus exuisti,
 Redde Soboli tuæ, sic promissisti.

Ann. Nate à 2. Dulcis

Ism. Mater

Ann. Nate care

Ism. Mater cara

à 2. Sola quies cordis es.

Ann. Sed Tonante. *Ism.* Sed crudelis.

Fulminante Quare velis

Arent tibi regni spes. Vanas reddere meas spes?

Sed. Vbi decor Sionis,

Vbi templa, vbi tecta, vbi Davidis

Regia mænia? vbi tandem,

Vbi es tu Sedecia? quid de tot malis

Primum incipiam flere? adsunt vocatæ

Vsq̃ue ad pupillam lacrimæ: sed tanta
 Est copia lacrimarum,
 Vt sese impediens, vëtet
 Ipse dolor dolorem: quare perdis
 Vilis anime nunc pretium fortunæ?
 Flere erubescere, te vel conscio; Fortis
 Reddit leuem ferendo iniuriam fortis.

Nimis cupis si cupis ò Sors,

Me terrere,

Vel posse videre

Me nunc lacrimantem.

Vibra tela, quæ superant; Mors,

Astra, & fatum

Me cernent prostratum,

Sed non supplicantem.

Nimis &c.

Sed quid etenim gloriæ

Astra perdendo me possunt sperare?

Ego tanti non sum, nec regna mea,

Vt sint illis timendæ meæ victoriæ;

Cadat solium Saulis,

Pereant sceptrâ Idumæa,

Et hæc clamydis decora, quæ restant,

Libens ipse deponam, ne glorientur

Fata mihi abstulisse;

Tale iuuat fuisse

Pondus cœlestis iræ,

Ipsi dummodò nunc cœli furores

Inuidiam fateantur, & timores.

Descendite sydera,

Et mecum seuite.

Sed adhuc tardatis?

Ni fulmen geratis

Non amplius venite.

Descendite &c.

Nab. Iacets tandem superba

Vrbs Ifacidum potens

Merfa sanguine, & cœdibus, ruinas

Ipsa non capis tuas, nec credi tanta
 Nisi diruta sis, Solyma, potes.
 Te nunc obtutu iuuat metiri meo,
 Iuuat premere pedibus, timores
 Primum disco dum peris;
 Sed es iterum rea quando timeris.
 Hoc etiam crimen lues; hos horrores
 Debes vincenti, nunc pereant fumantes
 Pereant ipsæ ruinæ, & triumphantes
 Saxa comburant flammæ,
 Et si quæ restant agitandæ ventis
 Reliquiæ miserandæ, & infelices,
 Legam manibus his, & circumfuso
 Foueam cineri tuo Lauros victrices.

Noxæ grauis facta es rea;

Ira mea

Culpam pænâ æquare studet.

Perdas dummodò fuisse,

Te vicisse

Gloriam perdere non pudet.

Noxæ &c.

Dux. Quales, inuicte Rex, potes sperare

Palmas istis maiores;

Quidquid bellica fors, quidquid Gradius

Potest sibi promittere, vel dare,

Ultra vota iam tenes;

Tecta diruta, & Tempa,

Moles euerfæ, potius in exempla

Impavidis seruentur peregrinis,

Vt discant formidare ab his ruinis.

Sine tuba, absque cruore

Pro te Solyma vastata

Potest lapides armare.

Et à victis solo horrore

Post magnanima tua fata

Restat tibi triumphare.

Sine &c.

Nab. Feruet Animus intus

Belli calens ardore, nec lethales
Adhuc quiescunt Iræ,
Pudet molliter sic odia finire.

Dux. Habet magna Victoria fines suos,
Quos impunè non licet
Virtuti ultra transire.

Nab. Qui seruat hostes perdere sese cupit.

Dux. Probat Regem clementia, ira Tyrannum.

Nab. Defendas alio sceptrum si potes modo.

Dux. Melius defendet Amor.

Nab. Fouet rebelles amor, & audaces.

Dux. Timor demum desperat,

Nab. Subditos ipse meos
Non sinam desperare.

Prima sunt documenta ad regnandum
Victos quamuis infantes punire.
Nocet pietas victori Clementi
Parcens Hosti futuro nocenti,
Et ad vulnera clarè probandum
Satis est potuisse ferire.

Prima &c.

Ductor, Milites mei
Belli Socij, & laboris,
Quid nunc optent, effare.

Dux. Optant iterum tecum militare.

Nab. Exuuiæ diuidantur, opes, aurum
Merces Animæ vilis,

Moueant corda minora, at vobis, Duces,
Pretium abundè satis

Et gloria, & virtus est, pro quâ pugnatis.

Dux. Regio calcanda pede
Subdant colla captiui

Nab. Sed deest Sedecias?

Dux. Totâ Regiâ quæsitum non inueni.

Nab. Fugit ?

Dux. Sic est credendum .

Nab. Intus rabidum cor latrat horrendum .

Fuge Fuge ; te sequar ad Æthera ,
Te sequar ad Tartara ,
Vulnerabo ,
Trucidabo ,
Lacerabo te .
Et fundens cruores
Extinguam furores ,
Qui stimulant me .

Fugæ &c.

Ann. Me miseram , reliqui

Nuper hîc somnø grauem ,

Partem animæ meæ natum suauem ,

Nunc ignoro vbi sit : responde , fili ;

Vocat te Mater tua ; fili responde ; .

Sed adhuc taces ? hæu , mihi dolenti

Pro te respondent nunc & vndę , & venti .

Aura , quæ sibilat

Commota Zephyris

Iubet suspiria

Excitat metus .

Vnda , quæ murmurans

Ad saxa frangitur

Garrula , & tremula

Edocet fletus .

Aura &c.

Sed. Antra , flumina , fontes ,

Syluæ , nemora , montes ,

Regem intra vos claudite infelicem .

Alit furias cor meum

Damnans se velut reum ,

Et

Et mens scelere plena
Sibi carnifex est, crimen, & poena.

Ante vulnera, & cruores
Torquet me timor poenarum.
Mens anticipat dolores,
Fingit murmur catenarum.

Ante &c.

Finis Prima Partis.

PARS SECVNDA.

Ann.



EDEO ad te, Triste nemus,
Vbi filium amisi,
Cordis lenire mei sperans mærores,
Sed nil aliud inuenio
Nisi filij vestigia, & meos dolores.

Velut mærens reuertitur Auis
Gemendo suavis,
Quærens viduos reuisere nidos.
Cogit Syluas, & nemora flere,
Et saxa, dolere,
Vocans ramos crudeles infidos. Velut &c.

Reddite Natum feræ,
Certe vos abstulistis,
Namque montibus his habitant feræ;
Vos etiam matres estis,
Et vos etiam amatis
Prolis amor quid sit nec ignoratis;
Sic & catulis vestris
Parcant feræ maiores;
Vos contra venatores
Agant Spicula sua minus seuerè;
Reddite Natum feræ.

Ism.

Ab exemplo nunc ferarum
Pone mater tuum rigorem.
Inter tenebras sylvarum
Dicat feritas amorem.

Ab &c.

Paruæ Tigrides (nunquam
Sine metu ista nomina recordor)
Paruæ Tigrides certè,
Vt ego doleo nunc, vos non doletis:
Nam matres sic crudeles,
Vt est genitrix mea, vos non habetis.

Ann. Viuis, ò nate viuis?

Te fleui extinctum : taces ?

Mæstos attolle vultus ,

Surge ad oscula mea , surge ad amplexus .

Cur lacrimaris ?

Tempera gemitus

Care ad me veni .

Labra corallina

Iterum pingat

Rosa

Formosa ,

Et niteant oculi

Semper sereni .

Cur &c.

Ism. Quæ nubes illa nostris

Negans oculis diem ?

Ann. Solymæ pulvis est nuper collapsæ ;

Qui inuoluens astra , clades

Quasi vlciscitur suas .

Ism. Occidimus ; en vide

Illos longè minantes ,

Ensem vaginà suà iam viduantes .

Ann. Heu nunc , care , fugiamus

Nate si licet ; astris

Inuitis respiramus .

à 2. Fugiamus , heu fugiamus .

Dux. Quò fugitis Pastores ?

Ann. Care fili hic vernantes

Finge legere Flores .

Dux. Adhuc tacetis ? telo

Vos iterum vocabo .

Ann. Miles ni fallor , olim

Memini indutum sic alium vidisse ,

Quem militem vocabant .

Hæc fuga , licet fuga ,

Ostendit vile cor , non tamen reum ;

Non te fugio , sed arma

Syluis adhuc ignota ,

Dum Clypei coruscantes,
Et dum territant me galeæ comantes.

Affueti per hæc prata
Virgâ ducere capellas.
Sumus miseri Pastores.
Nondum vidimus Armatos,
Echo nostra nec tubarum
Adhuc didicit clangores.

Affueti &c.

Dux. Frons impauida, sermo
Promptus, mentitur Syluas.
Nimia suspecta est quies;
Et nemus Sedecie
Talem non habet pacem.
Vilem quoque, & imbellem
Non euitanda mors reddit audacem.

A formidine magnanîmi
Surgunt animi,
Ipse pavor expellit pauores.
Quando nihil est perdendum,
Nil timendum,
Nisi tantum timoris timores.

A form. &c.

Hos deuinctos catenis
Regi ostendere placet.

Ann. Cur etiam nato vincula? crudeles,
Nescit fugere puer,
Nisi fugiat ad matrem.

Is. Quid hoc tam graue, mater,
Quod palmas lassat meas?

Ann. Infelix nimium, vincla
Ante quam noscas, geris.
Vltra si scire quæris,
Paulum excutias manus:
Audis? funera sic monent tuarum
Murmura catenarum.

Sed. Nunc me cognosco, quando
Amplius me non cognosco;

Video Reges quid sint dum perdo regnum;
Inuenio libertatem fugitiuus,
Et penè iam captiuus.

Dulce malum est regia maiestas,
Larua regens adultera pœnas,
Seruit blandè captiua potestas,
Gerat quamuis gemmatas catenâs. Dul. &c

Isr. Impij sic me raptatis? nequeo puerile
Vestros æquare gressus.

Sed. Filij vox ista mei! *Isr.* Non sic dolerem
Si genitor adesset, nec timerem.

Sed. Pater quem vocas adest.
Coniux captiua, & Natus?
Quid agam exarmatus!

Isr. Lætor, en parens venit.

Sed. Adsum milites, adsum
Ego reus, & infidus
Vt rebellis puniendus,
Me me laqueis vincite, en Sedecias:
Parcite tamen istis.

Ann. Quid infelix dixisti:

Ipse nos & te coniux perdidisti.

Iubet Sponsum sœuire,

Et coniugem ferire.

Amor fidelis.

Nec possum lamentari,

Nisi querar amari.

O Sors crudelis!

Iubet &c.

Nab. Dux nondum redit? liber

Errat adhuc per arua Sedecias.

Retardat vnus fuga belli Gloriam,

Reddens dubiam Victoriam

Hostis iræ metuendi

Satis nunquam formidantur.

Sunt & cineres timendi.

Licet tumulto premantur.

Hostis &c.

Dux.

Dux. Magis superba ceruix,
Quæ coronam gestauerit Sionis,
Nutus expectat tuos.

Nab. Solum cæpisti Regem?

Dux. Vxor, & parua proles
Captæ simul fuere,
Et se nimis amando prodidere.

Nab. Filio patrem torquebo, vxore vitum,
Ipse necari suos
Cernat medijs in castris;
Postquam funere tali
Patrios implevit visus,
Perdat oculos ipse, & posthac cæcus
Doceat alios videre.
Sed quod acerbius est, cædes suorum
Perdat vel posse flere.

Manus ista non ignorat

More regum vulnerare.

~~Insueta torquet fata~~

Mea vindicta coronata,

Docens astra fulminare.

Manus &c.

Rebelles perierunt?

Dux. Fœminam pressit timor
Vulneris, ante vulnus.

Nab. Vt fata tulit puer?

Dux. Modò quo Reges solent.

Nab. Fleuit? *Dux.* Lumine sicco

Quo ferendus erat

Ante probauit enssem.

Nab. Aduentat Sedecias

Carens oculis, voces

Audiat victoris, *Sed.* Audio

Quem pœnitet audire,

Quandiù, sœue, produces funus meum?

Nab. Acuit vindictæ gustum

Serus vindictæ modus:

Viuas. *Sed.* Miser, cui viuam?

Nab. Viuas in penam tibi.

Sed. Nosco munus Tyranni. *Nab.* Agnosces diu.

Sed. Iuuant tenebræ mentem,

Nec adeo miser sum quantum fateris.

Noctis compensat poenas

Te non posse videre, & meas catenas.

Nil fortuna de te conqueri licet;

Nam me cæcum reddendo

Facis similem tibi; & quid sperare

Ultra potero iam, quam penâ eâdem,

Quâ sese damnat Sors, & me damnare?

Antea lucæ carentes

Duo fuerunt Potentes:

Cæca Sors, cæcus Amor.

Tertius additur istis

Cæcus nunc Sedecias;

Sed quamuis cæcus mortis inueniam vias.

ELOQVENTISSIMO VIRO

ADMODVM REVERENDO P. MAGISTRO

FR. IOSEPHO MARIA AGVDI

Ordinis Prædicatorum,

In Melodramatis argumentum Verba habenti.

EPIGRAMMA.

Flexanimis numerosa tuæ Facundia Lingua,
Non finit Ausoniam de Cicerone loqui.
Ad te, dum clamas Populus fuit omnis, ut aure
Ebibat Eloquij flumina sacra tui.
Gratia tanta tibi est, ut Apes sua mella putarem,
Faucibus inque tuis composuisse fauos.
Sibila cæruleus tibi poneret Anguis, & unda
Ad voces staret non glaciata tuas.
Tu tamen hæc tantum contemnis, flectere quantum
Posse homines magis est, quam potuisse seras.

F I N I S.